



Publicaziuns officialas dils 14-09-2018

Votaziuns cantunalas e federalas dils 23-09-2018 mira pagina 3 da quest FUS

L'urna ei aviarta (en canzlia communal)

gievgia e venderdis mintgamai duront las uras da spurtegl
dumengia, ils 23-09-2018, dallas 10.00 – 11.00 uras

Sonda e dumengia, ils 22 e 23 da settember 2018 mintgamai avon il survetsch divin en las fracziuns.

Ils cedels da votar ein vegni distribui. Tgi ch'ei aunc buca en possess da tals ei supplicaus da s'annunziar tier l'administraziun communal.

Adatg!

Il certificat da legitimaziun ei adina da presentar. Tier votaziuns cun posta ei il certificat da legitimaziun da suttascriver. Senza suttascripziun ei la votaziun nunvaleivla. Nus supplichein da consultar las informaziuns che Vus anfleis sin la cuviarta e sil certificat pil dretg da votar.

Sumvitg, 14-09-2018

Biro electoral Sumvitg

Scamond general da far fiug el liber vegn sligliaus

Naven d'immediat vegn il scamond absolut da far fiug sligliaus.

Nus engraziein per Vies bien cumpurtament duront la perioda da grond prighel da fiug. En cass d'incendis eis ei adina da telefonar alla numera 118.

Sumvitg, 14-09-2018

Suprastonza communal

Club da skis Trun

Nus entschevin puspei cun ils trenaments d'atun dil Team Panda. Tut ils affons naven dalla annada 2012 e pli vegls ein beinvegna. Noviz astgan era bugen vegnir a fuffergnar. Il plan da trenament ed ulteriuras informaziuns anfleis vus sut www.clubdaskis-trun.ch Nus selegrein sin bials e lighers trenaments. *Ils trenaders*